

Sikũn Ximotre

Pawre kot Ximotre hwỳr wam kagà nẽ mẽn̄h kôt hõ mẽn̄h

Pawre na pre kagàja nhĩpêx. Na pre Jejus kwỳ hkêt xwỳnhjaja Jejus ã unê nẽ krĩ pê Rôm kamã haxà nhũm arĩ hkrĩ ho hkrĩ. Tã ra mẽ kot hpĩr kaxyw nhũm Ximotre mã kagàja nhĩpêx nẽ hwỳr kumẽ. Na pre Ximotre Pawre hkôt pa ho pa hã mytwrỳ xohtô nẽ. Tã hpãnhã krĩ pê Epes kamã arĩk nẽ Tĩrtũm kapêr o Jejus kôt hkwyjê jahkre ho ri mẽ hkôt pa. Jakamã nhũm Pawre kagàja nhĩpêx nẽ kamã kãm mẽmoj tã karõ nẽ hwỳr kumẽ. Nẽ nhỹrmã mẽ kot Pawre pyrã nẽ Jejus ã hpĩr mã htã tee ri amnhĩ kukamã hamaxpêr kêt ã kãm karõ.

Nẽ mẽ hkwyjaja kêp Tĩrtũm kra hã amnhĩ jarẽn̄h tã nhũm Pawre Tĩrtũm kãm hprãm xà kuhpa hã mẽ kot tanhmã amnhĩ nhĩpêx to ho pa hã Ximotre mã mẽ harẽ. Kot mẽ harẽn̄h mar nẽ Jejus kwỳjê nê mẽ omunh mex o pa kaxyw. Nẽ Ximotre kot Tĩrtũm kãm hprãm xà kot pix mã amnhĩ nhĩpêx o pa hã kãm karõ. ã na pre Pawreja Ximotre mã mẽmoj tã karõ kamã hihtỳx nẽ hã kagà nẽ hwỳr mẽn̄h anẽ. Nẽ kãm:

1 1Pa Ximotre? Xà amex? Ixpê Pawre na pa amã ixkapêr nẽ hã kagà nẽ awỳr kumẽ. Ixpê Jejus nhỹ hã hkwyjê jahkre ho ixpa xwỳnh na pa. Tĩrtũm na pre ja kaxyw ixãm. Tĩrtũm Kra Jejus Krisja kot puj mẽ pahpê hkwyjaja nhỹrmã kukwak ri pamex kumrêx nẽ pahĩr tũm nẽ ri papa ho papa.

Pawre kot Ximotre ho Tĩrtũm mẽ Jejus wa hwỳr ã harẽn̄h

Atre 16.1-2

2-3Te apê ixkra pyrãk Ximotre. Jakamã na pa hte ato Mẽpanhĩpêxã maati Tĩrtũm mẽ Pahihti Jejus Kris wa hwỳr rãhã ho ri ixpa. Na pa hte mẽ pakukamã mẽ panhĩgêt pyrã nẽ tãm ijamaxpêr o ixpa pê Tĩrtũm mã tanhmã amnhĩ nhĩpêx to ho ri ixpa. Jakamã na pa hte ato Kra Jejus mẽ wa hwỳr rãhã ho ri ixpa. Arĩgro hã nẽ kamãt kãm amã ijamaxpêr nẽ ato wa kuwỳ nẽ wa kãm:

—Pa Tirtūm mẽ Pahihti wa. E ixte ixkra puro Ximotre ho war awȳr kaxyw war amã ijamxpēr. Na ka hte wa ho mex nhūm war akôt amnhĩ nhĩpêx mex o pa. Te õ wôwô mẽ katorxà wa kot amnhĩ nhĩpêx pyræk. Na pa hte kot amnhĩ nhĩpêx o paja mã ijamxpēr nẽ ỹ hã ixkĩnh nẽ. War ate kamã axukaprí ho ri apa kaxyw na pa ho war awȳ. War ate kutã war anojarêt rãhã ho ri war apa nhūm hamakêtkati nẽ àmnhĩx ri pa ho pa kaxyw. Anẽ.

Pawre kot Ximotre nhỹ hã hkĩnh ã harênh

4Nẽ na ka pre hte ixkôt ixto ajuta ho ri ixkôt apa htã pa pre nhỹhỹm inhnojarêt nẽ axtem axápênh õ hã amã karõ hãmri nẽ Epes kamã are nẽ ma mô. Ka amã ijapê xàj tee ri ma inhmõr ã ixpumu nẽ amȳr rax nẽ. Na pa hte arĩ ja hã inhnohtȳx nẽ ri ho ixpa Ximotre. Jao ra ato ama nẽ. Tã kot puj nhỹrmã axte axpên pumu nẽ pahkĩnh tȳx nẽ.

5Nẽ na pa hte akatorxà Enĩtre mẽ anhõ wôwôre Rojti wa kãm ijamxpēr rãhã ho ri ixpa. Na pre wa kumrêx amnhĩ kaxyw Jejus kôt hamaxpēr nẽ hkôt amnhĩ xãm. Tã ka wa hkanrêhã wa uræk nẽ ã amnhĩ nhĩpêx anẽ. Ixte ja hã apumunh mex. 6Na pa pre ate tanhmã Jejus mã amnhĩ nhĩpêx to ho ri apa kaxyw axãm kaxyw anhĩmõk ã inhĩhkra xi nẽ ato Tirtūm wỳ. Kot tanhmã akrã hto nhūm ate Karõ nhỹ hã tanhmã amnhĩ nhĩpêx to ho apa kaxyw. Tã kêr ka arĩ ã kãm amnhĩ nhĩpêx anhỹr rãhã ho ri apa. 7Na pu htem Tirtūm Karõ nhỹ hã pamã ma ho papa hkêt



Sikūn Ximotre 1.4-5

nẽ. Na pu htem ỹ hã pamã mẽ piitã mẽ hkĩnh pẽ paxàmnhĩx tanhmã mẽ ho ajuta hto ho papa. Nẽ ỹ hã kapêr o mẽ ahkre htỳx o ri mẽ hkôt papa. Nẽ mẽmoj punuj kutã amnhĩ to htỳx rãhã nẽ. Jao amnhĩ to mex pix nẽ.

8Jakamã kwa kêr ka amã mẽ kãm Jejus jarênh o apa pymaj tee ri amnhĩ kukamã ajamxpēr kêt nẽ. Nẽ mẽ kot Jejus ã ijaxàr nhūm arĩ ixkrĩ hã ijarênh ma nẽ mẽ kot ixkuxwar ajaxàr pymaj mẽ kãm Tirtūm kapêr o mẽ ahkre hkukamã tee ri ajamxpēr kêt nẽ. Mẽ kot ã anhĩpêx anhỹr mã tã kêr ka amnhĩ kamã akahak kêt nẽ. ãm Tirtūm nhỹ hã hihtỳx xà ho amnhĩ to htỳx nẽ ixpyrà nẽ ma mẽ kãm Jejus kot mẽ panê tanhmã amnhĩ nhĩpêx to hã harênh to rãhã ho ri mẽ hkôt apa. Mẽ kot tanhmã hã anhĩpêx to htãã. 9Na pu htem Jejus kôt amnhĩ xunhwỳ nhūm Tirtūm ja hã mẽ pahpumu nẽ Jejus kukwak ri amnhĩ katut kôt mẽ pahte amnhĩ tomnuj

piitã rēnh pa nē mē pahto hkra. Hāmri nē mē pahte hkôt pix mã amnhĩ nhĩpêx o papa kaxyw mē paxunhwỳ. Âm Jejus pix kukwak ri na hte mē pahto hkra nē ã mēmoj to mē pakutã nojarêt rãhã ho pa anē. No na hte mē pahte amnhĩ to mex ã mē pahpumunh kôt mē pahto hkra hkêt nē. Amnepēm kormã mēmoj piitã hkêt ri na pre mē pakukamã hamaxpēr o:

—Koja mē nhỹrmã Ixkra Jejus Kris kôt amnhĩ xunhwỳ pa ja hã mē omu nē Ixkra kukwak ri mē ho mex nē. Anē.

10Tã kormã mē pahte amnhĩ tã ã kot mē pajarēnh anhỹrja mar kêt jakamã na pre Jejus mē pahwỳr wrỳ nē tanhmã mē pahto mex to. Na pre ty nhũm Tĩrtũm akupỹm ho htĩr. Jakamã na pu htem ra amnhĩ kaxyw hkôt pajamaxpēr nē hkôt amnhĩ xunhwỳ hāmri nē nhỹrmã mē pahtyk tã nhũm Tĩrtũm kot Kra Jejus nhĩpêx pyrã nē akupỹm mē pahto mē pahtĩr pu mē Jejus kukwak ri wa kuri pamex nē pahtĩr tũm nē papa ho papa. Jakamã na pu htem mē pamã pahtyk pyma ho papa hkêt nē.

11Amnepēm na pre Tĩrtũm ixãm nē tanhmã inhmã ixapēnh ã karõ hto nē inhmã:

—E Pawre kêr ka Jejus nhỹ hã ma hkwỳjê jahkre ho ri mē hkôt apa. Nē ixkapēr o mē ahkre mex nē. Kêr ka ã amnhĩ nhĩpêx anhỹr rãhã ho ri mē hkôt apa. Anē.

12Tã ã kot inhmã kapēr anhỹr nhũm ixte kapēr kôt amnhĩ nhĩpêx o ixpaja mỳrapê na htem Jejus ã tanhmã inhĩpêx kati hto ho pa. Pa hte ixpunuj nē amnhĩ xà htỳx kamã ijamak o ri Jejus mã tanhmã amnhĩ nhĩpêx to ho ri mē hkôt ixpa. Tã nom tee ri ja hã amnhĩ pumu nē amnhĩ kamã xipijaãm nē ixkaprĩ hkêt nē. Ixte amnhĩ kaxyw hkôt ijamaxpēr xwỳnhja na ixte tanhmã kot amnhĩ nhĩpêx to hã omunh mex jakamã kot paj ty nhũm mē arĩ inhmỳr pê Tĩrtũm kapēr mar o pa. Mē kot ja hã xipĩr tã koja mē apê Kris kôt ixkwỳjaja inhmỳr pê arĩ mē kãm harēnh o apa. Koja mē ã axpēn mỳr pê amnhĩ nhĩpêx anhỹr o pa rãhã nhũm Pahihiti Jejus akupỹn mē pahwỳr wrỳ.

13Kwa Ximotre. Ra ixte amã mēmoj tã karõ rax jakamã kêr ka mar tỳx nē hkôt amnhĩ nhĩpêx rãhã o ri apa. Jao Jejus Kris nhỹ hã mē piitã mē noo mã amnhĩ kaxyw kãm ajamaxpēr tỳx rãhã nē. Nē mē piitã mē ho mex o ri apa. 14Ate mē kãm tanhmã Jejus jarēnh to ho ri apaja âm hāmri na. Tã koja mēhõ htỳx ri tanhmã ho kapēr punuj to rỳ axtem nē tanhmã harēnh to ka ja hã ama nē nē kãm akapēr kãm axihtỳx nē. Tĩrtũm Karõ ra kot akarõ hwỳr àr jakamã kêr ka ỹ hã ã Jejus jarēnhja jamãr mex o ri apa anē.

Pawre kot tanhmã amnhĩ jarēnh to

Sikūn Ximotre 4.16-18

15Nē mãn ka pre ra pika pê As kamã Kris kwỳ kot ixkaga hã mē harēnh ma. Na pre Pijerti mē Emosti mē mē ohtõ nē tanhmã hamaxpēr

to nē ixto ajuta hkêt nē. 16-18 Ām Onēsipti pix na pre mē kurom ijarēnh ma nē man ixwÿr Rōm wÿr mō nē ijapēr o ri mē hkôt mra nē ixwÿr kato. Hāmri nē xatā ixwÿr mra nē tanhmā ixto mex to. Jao akupÿm ijamaxpēr o hihtÿx. Ixpê prēs nē ixkrī htā kēp ixkrāmnhwÿ hā amnhī jarēnh ā hpijaam kêt nē. Nē amnepēm kormā krī pê Epes kamā ixpa ri na pre määnēn tanhmā ixto mex to ho pa. Tā ā kot inhīpêx mex anhÿr o pa jakamā na pa hte ho Pahihti Jejus wÿ nē kām:

—Pa Pahihti? Onēsipti o na pa awÿ. Kot ixto mex rāhā ho pa jakamā kwa kêr ka ixtā omu nē kutā anojarēt rāhā ho apa. Nē ōrkwÿ kamā hkwÿjaja määnēn tanhmā mē ho mex to. Hāmri nē nhÿrmā akupÿn mē ixwÿr wrÿ nē ixtā kamā axukapŕī hā tanhmā ho mex to. Anē.

Mē pahte Jejus kôt amnhī nhīpêx pix prām ā mē pamā karō

Wam Ximotre 6.11-16

2 1E Ximotre. Jejus Kris kot mēmoj to mē pakutā nojarēt rāhā jakamā kwa kêr ka ŷ hā amnhī to htÿx nē kām tanhmā amnhī nhīpêx to ho apa hā amnhī kamā akahak o ri apa hkêt nē. 2Ra ate pa tanhmā Tirtūm kapēr o mē ahkre htoja mar jakamā kêr ka amnhī xō ri ā Jejus kôt mē pahkwÿjê jahkre ho apa anē. Mē kot amar nē pahpyràn axpēn xō ri ho axpēn jahkre ho pa kaxyw.

3-4Sōrdat na htem mē hkrāhtūm kām prām xà hkôt tanhmā amnhī nhīpêx to. Jao tanhmā kute htā kapēr ma nē hkôt amnhī nhīpêx. Tanhmān à rÿ kām prām rÿ tanhmā omnuj to htā kutā amnhī to htÿx nē mē hkrāhtūm kôt amnhī nhīpêx. Na htem amnhī xàpēnh kukamā tee ri hamaxpēr o pa hkêt nē. Ām mē hkrāhtūm kapēr kôt pix mā amnhī nhīpêx o pa hprām. Tā kêr ka mē urāk nē Pahihti Jejus kôt amnhī nhīpêx rāhā ho ri apa hprām. Mē kot hā tanhmā atomnuj to htāã.

5Nē mē hprôt tÿx xwÿnhjaja na htem hkwÿjê pê amnhī to wa hprām xàj ām ja pix kukamā hamaxpēr. Hāmri nē hprôt tÿx prām xàj mēmoj kot mē ho hirerek kêt nē amnhī jagri htÿx nē. Hāmri nē hprôt tÿx o hkwÿjê jakre nē amnhī to wa nē pōj nē kot amnhī to wa hā mēmoj to kånja. Tā kêr ka mē urāk nē amā Pahihti Jejus kot amnhī nhīpêx kôt pix mā amā amnhī nhīpêx prām.

6Nē pur kām mē àpēnh xwÿnhjaja na htem mē hpur kām àpēnh pix tånopxar o pa nē àpēnh rÿnh nē. Kām kaga hkêt kām àpēnh o pa. Tā àpēnh rÿnhja kukwak ri ihpur kām ō rÿnh nē ho apkur mex o pa. Nom koja mē kām kaga nē àpēnh mex kêt nē hāmri nē ō grire nē apkur mex kêt nē. Tā kêr ka pur kām mē àpēnh rÿnh xwÿnhjê pyrā nē Pahihti Jejus mā amnhī nhīpêx mex o apa. Nē mē urāk nē amā kaga hkêt kām axàpēnh pix tånopxar o ri apa.

7E na pa ā ajahkre anē Ximotre. Tā kêr ka ixte ajahkreja ma nē kām ajamaxpēr rāhā nē. Kojā Pahihti tanhmā akrā hto ka apŕī hā mar tÿx nē.

8Nē kēr ka Pahihti Jejus Kris mā ajamaxpēr rāhā ho ri apa. Na pre katorxà hkôt kēp Pahi finat Tawi kanrēhā htāmnhwỳ hā mē pahpyrà nē ĩ ho ĩ nē kato nē panhō pika kamā pa ho pa. Tā nhūm prem kupī nhūm amnhī xà htỳx kamā hamak kām ty. Hāmri nhūm Tirtūm akupỹm ho htír nhūm akupỹm htír o htír. Ā na pre hte harēnh anhỹr rāhā ho ri mē hkôt ixpa. 9Mýrapê na prem ijaxà pa arĩ jar ixkrĩ ho ixkrĩ. Na htem ixte amnhī tomnuj xwỳnh pyrāk o inhīpêx nē axte ixte Jejus kapēr jarēnh o ixpa pymaj ijaxà. Tā ā mē kot inhīpêx anhỹr tā na hte Kris kôt pahtōjaja arĩ ixpānhā mē kām harēnh o ri pa. Koja mē tee ri kām Jejus jarēnh o hapêx prām kaprỳ. 10Jakamā kwār mē māmri ā inhīpêx anē. Koja mē arĩ Jejus kot tanhmā mē panē amnhī nhīpêx toja mar o pa nhūm mē hkwyjaja hkôt amnhī xunhwỳ nē nhỹrmā pahpyrà nē kēp Jejus Kris kwỳ hā Tirtūm mē wa kuri mex nē htír tūm nē pa ho pa.

Kris kwỳ kot tanhmā amnhī tā grer to hā mē harēnh

- 11 Na pu htem mē pahpê Kris kwỳ hā ā amnhī tā pagrer anē:
Mē kot Kris ā mē panhīmex tā kot puj mē akupỹm pahtír nē kuri pamex nē pahtír tūm nē papa ho papa.
- 12 Mē kot tanhmā Kris ā mē pahtomnuj to htā kot puj mē arĩ hkôt amnhī nhīpêx o papa rāhā ty nē nhỹrmā ĩhkô hā mē ho amnhīptār o papa.
Nom kot puj mē amnhī kamā pakahak pē mē pahpê Jejus kwỳ hkêt ā amnhī jarē hā koja Jejus amnhī xwar mē pahpê hkwy hkêt ā mē pajarē.
- 13 Nē mē pahte amnhī kaxyw Jejus kôt pajamaxpēr kēê tā tanhmā amnhī jarēnh to xà hkôt tanhmā amnhī nhīpêx to.
Aa kot mēmoj tā amnhī jarēnh kuhpa hā ri tanhmā amnhī nhīpêx to hkêt. Anē.

Mē kot Tirtūm kapēr o mē ahkre mex xwỳnhjê jarēnh

Wam Pêtre 3.15-16

14E Ximotre. Ixte ā mēmoj tā amā karō anhỹrja kēr ka ho mē ahkre rāhā ho ri mē hkôt apa. Kê mē ama nē kām hamaxpēr rāhā nē.

Nē mē kām anē kē mē Tirtūm kapēr o mē ahkre mex o ri pa nē kapēr ā tanhmā axpēn mā àkjêr to hkêt nē. Koja mē hā axpēn mā akir hāmri nē amnhī to mex kêt nē. Hāmri nhūm mē kot mē kapēr mar xwỳnhjaja ja hā mē omu nē tee ri Tirtūm kapēr kukamā hamaxpēr nē hkôt amnhī nhīpêx mex kêt nē.

15Nē na htem mē kām mē àpēnh mex xwỳnhjaja mē õ patrāw kapēr ma nē hkôt mēmoj tā àpēnh mex nē. Nhūm õ patrāwja hwỳr mra nē àpēnh ā omu. Hāmri nhūm amnhī wỳr omu nē àmnhīx noo mā apê. Kām àpēnh mex jakamā amnhī kamā kām uma hkêt nē. Ja pyrà nē kēr ka

Tirtūm noo mā kām amnhĩ nhĩpêx mex rāhā nē aprĩ hā kapēr o mẽ ahkre mex o ri mẽ hkôt apa. Kê ã ate amnhĩ nhĩpêx anhÿr ã apumu nē anhÿ hā hkĩnh nē. Ka àpênh xwÿnhhta pyrà nē amnhĩ kamā amā uma hkêt nē noo mā kām amnhĩ nhĩpêx mex o ri apa.

16No mẽ kot Tirtūm kapēr o hêx o mẽ pa xwÿnhjaja kêr ka mẽ hkôt ri apa hkêt nē. Nē mẽ kapēr mar nē ri mẽ hkôt axām hkêt nē. Na htem mẽ kapēr ma nē mẽ hkôt amnhĩ nhĩpêx o pa nē kām Tirtūm kapēr mar prām kêt nē. Nē gaa nē te kêp mar pumaj amnhĩ jamak pro pyràk o amnhĩ nhĩpêx. 17Tÿx ri tanhmā mẽ ahkre hto xàja te kot mẽ hkànhy aa mex kêt nē ra omnuj tÿx o mōrja pyràk. Jao mẽ kot mẽ kapēr mar o mẽ pa xwÿnhjaja mẽ mar pê ra mẽ hkôt amnhĩ tomnuj tÿx o mō. Na hte ra Imēnew mẽ Pijertija wa ã htÿx ri amnhĩ krā hkôt mẽ ahkre anhÿr o pa. 18Nē Tirtūm o hêx o mẽ hkôt pa nē nhÿrmā akupÿm mẽ pahto mẽ pahťir kêt ã harênh o pa. Hāmri nhũm mẽ amnhĩ tã wa kuma nē tee ri amnhĩ kukamā hamaxpēr pê Jejus kaga nē axte amnhĩ kaxyw hkôt hamaxpēr kêt nē. Nom wa kapērja kot anhÿr kêt. 19Kêt Tirtūm kapērja ãm hāmri na. Kot mẽmoj to hêx kêt jakamā na pu htem amnhĩ kaxyw hkôt pajamaxpēr kaprÿ hkêt nē. Kapēr ã kagà htūm kot tanhmā mẽ pahpê hkrajê jarênh to nē harênh kot:

Tirtūm na kot hkrajê piitã omunh mex rāhā ho pa xwÿnh.
Anhÿr o mẽ pajarênh. Nē mẽ pamā mẽmoj tã karō kot:

Kê mẽ kot Jejus kôt amnhĩ xunhwÿr xwÿnhjaja amnhĩ tomnuj o pa hkêt nē. Anē.

Tirtūm krajaja te kêp prat mex pyràk ã mẽ harênh

20Nē mẽ hikàxpore rūnh xwÿnhjaja mẽ õ xijere nē mẽ õ prat xohtôô. Prat kwÿ muxre nē hkwÿ omnajre. Prat pynajre na htem māmri kamā apku no prat muxreja ãm mẽmoj mex pix kaxyw na htem mēsti hā haxwÿ nē kamā apku. Kasamēt ã rÿ mẽ hkra krā hkênh ã mẽ hkĩnh nhũm htem mēsti hā haxwÿ nē kamā apku. 21Tã mẽ kot Tirtūm kapēr o hêx o mẽ pa xwÿnhjê hkôt hamaxpēr kêt nē mẽ hkôt amnhĩ tomnuj kêt xwÿnhjaja te mẽ kot prat muxre pyràk. Na htem tãm amnhĩ nhĩpêx nē tanhmā hamaxpēr punuj to ho pa hkêt nē. Hāmri nhũm Tirtūm ja hā mẽ omu nē mẽ ÿ hā hkĩnh nē. Hāmri nē te mẽ kot prat muxre jaxwÿr nē kamā apkur pyrà nē mẽ kot kām tanhmā amnhĩ nhĩpêx to ho pa kaxyw mẽ unhwÿ.

Mẽ pahte tãm amnhĩ nhĩpêx ã mẽ pamā karō

22Nē mẽ àptàr nyw jamaxpēr punujja kêr ka te ate hamÿnh nē amnhĩ katut kôt rênh par pyràk o hipêx Ximotre. Jao axte ho ajamaxpēr o ri apa hkêt nē. Nom mẽ hamaxpēr mexja kêr ka hamÿ nē amnhĩ krā him hagjê nē ho ajamaxpēr rāhā ho ri apa. Jao tãm amnhĩ nhĩpêx nē amnhĩ

kaxyw Tirtũm kôt ajamxpêr rãhã nê. Nê amã mẽ kêp Kris kôt akwỳjê hkĩnh pê tanhmã mẽ ho ajuta hto ho ri mẽ hkôt apa. Jao mẽmoj to mẽ kutã anojarêr rãhã nê. Na hte ã Pahihti Jejus kôt amnhĩ nhĩpêx xwỳnhjaja amnhĩ nhĩpêx anhỹr o pa.

23Nê kêr ka mẽ kot htỳx ri amnhĩ krã hkôt mẽ ahkre ho mẽ pa xwỳnhjê hkôt apa hkêr nê. Te ate mẽ kêp awry hã ri apa pyrã nê mẽ kapêr ma nê ãm ama. Na htem mẽ kapêr mar o pa nê ra hã axpên mã tanhmã àkjêr to ho pa. Jakamã kwarĩ mẽ hkôt ri apa hkêr nê. 24Mẽ pahte Tirtũm mã amnhĩ nhĩpêx o papa xwỳnhjaja na pu htem mẽ kurom mẽmoj tã axpên mã paxàkjêr o ri papa hkêr nê. Na pu htem ãm mẽ piitã mẽ kamã paxukaprĩ pê mẽ ho mex nê mẽ kamã pagryk tokyx anhỹr kêt nê. Nê Tirtũm kapêr o mẽ ahkre mex nê. Na hte ã mẽ pahte Tirtũm mã tanhmã amnhĩ nhĩpêx to xwỳnhjaja amnhĩ nhĩpêx o papa anê.

25-26Jakamã koja mẽhõ ate Tirtũm kapêr o mẽ ahkreja ma nê tanhmã ho amã kapêr to ka ama nê amnhĩ tã tanhmã kãm akapêr punuj to hkêr nê. ãm kamã axukaprĩ ho tanhmã hã kãm akapêr mex to. Na hte Satanasti te kot amnhĩm mẽ unênh pyrãk o mẽ hipêx nê tanhmã mẽ kãm Tirtũm kapêr o hêx to nhũm mẽ kuma nê hkôt hamaxpêr nê kapêr kôt amnhĩ nhĩpêx. Tã kot kaj mẽ kamã axukaprĩ ho mẽ kãm akapêr mex nê nhũm Tirtũm tanhmã mẽ hkrã hto nhũm mẽ ama nê hkôt amnhĩ xunhwỳr japêr. Te Tirtũm kot Satanasti pê amnhĩm mẽ utàr pyrãk. Jakamã nhũm mẽ hpãnhã Tirtũm kapêr mex ã harê nê harênh o:

—Nà pêr ãm hãmri na Tirtũm kapêrja. ãm mex o mex. Anê.

Jejus akupỳn wrỳk kukamã mẽ kot amnhĩ tomnuj xwỳnhjê jarênh

Matêwre 24.4-13; Korosê 2.16-19; Wam Ximotre 4.1-5;

Sikũn Pêtre 2.1-3; Jutre 3-16

3 1Nê Jejus akupỳn mẽ pahwỳr wrỳk xwỳj ri mẽ kot tanhmã amnhĩ nhĩpêx toja kot paj hpãnhã ixprĩ hã amã harê ka inhmar tỳx nê Ximotre. Koja Jejus akupỳn mẽ pahwỳr nojarêr pu mẽ pahpê hkwỳjaja pahpunuj nê papa. 2Nê Kris kwỳ hkêr xwỳnhjaja koja mẽ amnhĩ pix kukamã hamaxpêr o pa.

Jao hikàxpore rax o pikuprõnh pix kukamã hamaxpêr pê hkwỳjê pê õxỳ htỳx o pa.

Nê mẽmoj tã amnhĩ to jarkrar o pa.

Nê tanhmã hkwỳjê japrỳ hto ho pa.

Nê mẽ hipêxã nê mẽ katorxã hã hpijaàm kêt o pa.

Nê Tirtũm ã hpijaàm kêt o pa.

Nhũm mẽhõ tanhmã mẽ ho mex to nhũm mẽ amnhĩ tã mẽ omu nê ãm mẽ omu nê amnhĩ tã tanhmã mẽ kãm nê hkêr nê.

Rỳ mẽ kãm: “Nà ãm hãmri na ka ã ixto mex anê. Nà ja mex.” Anhỹr o mẽ kãm kapêr kêt nê.

3 Mẽ ukapřĩ hkêt jakamã koja
 mẽhõ tanhmã mẽ hom-
 nuj to nhũm amnhĩ tã
 mẽ omu nẽ kamã gryk
 kurê kumrẽx nẽ aa gryk
 o hapêx kêt nẽ.
 Nẽ amnhĩ tã tanhmã hkwỳjê
 ho hêx to ho pa.
 Nẽ htỳx ri kãm hprãm xà hkôt
 tanhmã amnhĩ tomnuj to.
 Nẽ oprê ho pijapu pix kukamã
 hamaxpêr.
 Nẽ axtem nẽ kãm mẽmoj mex
 pumunh prãm rỳ mẽmoj
 mex mar prãm kêt nẽ.



Sikũn Ximotre 3.1-2

4 Nẽ mẽhõ ho hkràmnhwỳ htã axtem nẽ mẽ kãm mẽ hkurê xwỳnh-
 jê nhĩhkram haxã.
 Nẽ hamaxpêr mex kêt o tanhmã amnhĩ tomnuj to rãhã ho ri pa.
 Nẽ amnhĩ to rũnh o mẽ piitã mẽ hakrenh par ã amnhĩ to jarkrar
 o ri pa.
 Nẽ amnhĩ krã hkôt kãm amnhĩ nhĩpêx prãm xà hkôt amnhĩ
 nhĩpêx o pa nẽ kãm Tĩrtũm kãm prãm xà hkôt amnhĩ
 nhĩpêx prãm kêt nẽ.

5Hãmri nẽ mẽ kêp hkra hã amnhĩ jarênh o pa htã aa hkôt amnhĩ nhĩpêx
 kêt. Ǻ Tĩrtũm kra hkêt xwỳnhjaja amnhĩ nhĩpêx kot anhỹr jakamã kwa
 kêr ka ã mẽ hkôt apa hkêt nẽ Ximotre.

6-7Na htem hêx rom hkwỳjê nhõrkwỹ hwỳr agjê nẽ kamã tanhmã
 mẽnijê mã hêx to. Mẽ kot mẽ mar nẽ tanhmã amnhĩ tomnuj to hãmri nẽ
 ja hã amnhĩ pumu nẽ tee ri amnhĩ kukamã hamaxpêr kaxyw. Nẽ mẽ kãm
 mẽ kapêr nyw mar prãm tã nhãm mẽ kapêr ma nẽ nhãm mẽ kapêr mar
 nẽ aa Tĩrtũm kapêr mar nẽ amnhĩ kaxyw hkôt hamaxpêr kêt nẽ. Jakamã
 nhũm mẽ kot amnhĩ tomnuj xwỳnhjaja hêx rom mẽ hwỳr mra nẽ mẽ
 õrkwỹ hwỳr agjê nẽ tanhmã mẽ kãm mẽmoj to hêx to. 8Te kot amnepêm
 finat Jãnre mẽ finat Jãmtija wa kot amnhĩ nhĩpêxta pyrãk. Na pre finat
 Mojestija Tĩrtũm nhỹ hã tanhmã mẽ ahkre hto ho pa nhũm Jãnre mẽ
 Jãmti wa kãm mar prãm kêt nẽ. Nẽ tanhmã ja nẽ hkwỳjê mã kapêr to
 ho pa. Tã ã mẽ kot amnhĩ tomnuj anhỹr o mẽ pa xwỳnhjaja na htem wa
 urãk nẽ kãm Tĩrtũm kapêr mar prãm kêt nẽ kapêr nẽ tanhmã hkwỳjê mã
 kapêr to ho pa. Nhũm mẽ hamaxpêr mex kêt jakamã ãm mẽmoj punuj
 pix kukamã hamaxpêr nẽ mẽ kuma nẽ amnhĩ kaxyw Jejus kôt hamaxpêr
 kêt nẽ. 9Tã nom koja mẽ hkwỳjaja tokyx hprĩ hã mẽ kot mẽmoj to hêx
 ã mẽ omu hãmri nẽ axte mẽ hkôt hamaxpêr kêt nẽ nhũm mẽ rĩ amnhĩ

pumu. Te amnepêḿ mẽ kot hprĩ hã Jãnre mẽ Jãmti wa kot tanhmã amnhĩ tomnuj to hã wa omunhta pyràk.

Mẽ pahte Jejus ã pahpunuj tă hkaga hkêt ã mẽ pamã karõ

Atre 13.50-14.7, 14.19-22

10E Ximotre. Ate ixkõt apa ryy jakamã ra ate tanhmã ixte amnhĩ nhĩpêx ho ixpa hã ixpumunh mex.

Ixte tanhmã Tĩrtũm kapêr o mẽ ahkre hto ho ixpaja.

Nẽ inhmã mẽmoj to anhỹr prãm xwỳnhja.

Nẽ ixte amnhĩ kaxyw Kris kõt ijamaxpêrja.

Nẽ inhgryk tokyx anhỹr kêtja.

Nẽ ixte tanhmã Kris kõt ixkwỳjê ho mex to ho ri ixpaja.

Nẽ ixpunuj nẽ ixpa htã arĩ Kris kõt amnhĩ nhĩpêx mex o ixpaja.

Ã ixte amnhĩ nhĩpêx anhỹr o ixpaja ate ixpumunh mex.

11Na pa pre krĩ pê Āxiok nẽ Ikõn nẽ Ristija kamã mẽ kãm Jejus jarênh o ixpa nhũm mẽ hkwỳjaja Jejus ã tanhmã inhĩpêx to pa amnhĩ xà htỳx kamã ijamak o ri mẽ hkõt ixpa. Tã nhũm Pahihti Kris xatã mẽ kêp ixpytã pa ixtĩr pê mẽ ĩhkra rũm ijapõx o ixpa. 12Na hte Kris kwỳ hkêt xwỳnhjaja mẽ pahte Kris kõt amnhĩ nhĩpêx o papa hã mẽ pahtomnuj o pa.

13Nẽ mẽ kot Tĩrtũm kapêr o hêx o mẽ pa xwỳnhjaja koja arĩ mẽ kêp Kris kwỳ hã amnhĩ to hêx pê mẽ nokupyr. Nẽ mẽ kãm Tĩrtũm kapêr o hêx o pa. Jao ra mẽ tãmjaja amnhĩ nokupyr o pa nẽ amnhĩ tomnuj tỳx kumrêx.

Pawre kot tanhmã Tĩrtũm kapêr ã kagã jarênh to

Rõmãn 15.4; Sikūn Pêtre 1.19-21

14-15No ka Ximotre. Amnepêḿ aprĩre rũm na pa pre mẽ ixohtõ nẽ Tĩrtũm kapêr o ajahkre ho ixpa. Akatorxã nẽ anhõ wõwõre nẽ pa nẽ Kris kwỳjaja pa prem ho ajahkre rãhã ho akõt ixpa ka mẽ inhmar tỳx nẽ amnhĩ kaxyw Jejus kõt ajamaxpêr. Jakamã kwa kêr ka arĩ hkõt ajamaxpêr mex rãhã ho ri apa. Tĩrtũm kapêrja na htem mar pê amnhĩ kaxyw Jejus Kris kõt hamaxpêr nẽ hkõt amnhĩ xunhwỳ nhũm Tĩrtũm ja hã mẽ omunh xà hkõt mẽ ho hkra. 16Tĩrtũm kapêr ã kagãja Tĩrtũm kapêr na. Na htem ho mẽ ahkre ho pa. Koja mẽhõ hkwỳm ri tanhmã amnhĩ tomnuj to nẽ kapêr ma nẽ tee ri amnhĩ tomnujja kukamã hamaxpêr o ra hkaprĩ nẽ. Rỳ tanhmã amnhĩ tomnuj to htã kapêr ã kagã kamã kapêr nẽ Tĩrtũm kot ã kot amnhĩ tomnuj anhỹrja nẽ mẽ pamã kapêr ã harênh ma nẽ amnhĩ tomnujta kaga kurê kumrêx. Rỳ kamã kapêr nẽ Tĩrtũm kot tanhmã mẽ pahte amnhĩ to mex to hã mẽ pamã karõ kamã harê nẽ kuma. Hãmri nẽ ý hã hkõt amnhĩ nhĩpêx mex rãhã nẽ. Ā na hte Tĩrtũm kapêr kagãja mẽ kot mar nẽ hkõt amnhĩ nhĩpêx xwỳnhjê

ho mex anê. 17Na hte mẽ kot Tirtūm mã amnhĩ nhĩpêx o mẽ pa xwỳnhjaja kamã harê nê hkôt amnhĩ nhĩpêx mex pê mẽ piitã mẽ ho mex nê ho mẽ ahkre mex rãhã ho pa.

Pawre kot mẽmoj tă Ximotre mã karō

Korosê 4.5-6

4 1Nê koja nhỹrmã Jesus Krisja akupỹn mẽ pahwỳr wrỳ hãmri nê mẽ pahpiitã tanhmã mẽ pajarênh to. Ra mẽ htyk xwỳnhjaja nê arĩ mẽ pahpũmũnh kôt tanhmã mẽ pajarênh to. Jao Tirtūm mẽ wa kuri mẽ pahpũmũnh tũm nê papa ho papa hã mẽ pajarê rỳ wa kuri pahpũmũnh tũm nê papa hkêt ã mẽ pajarê. Jakamã kwa Ximotre kot paj Tirtūm mẽ Jesus Krisja wa noo mã mẽmoj tă amã karō ka inhmar tỳx nê. 2-4Koja nhỹrmã mẽ kêp Tirtūm kra hkêt xwỳnhjaja axte kãm Tirtūm kapêr mar prãm kêt nê nhãm mẽ kapêr pix mar prãm o ri pa. Jao amnhĩ kukamã hamaxpêr o:

—Nà inhmã Tirtūm kapêr mar prãm kêt. Kot mẽmoj piitã nê mẽ hkurê kênã. Kot paj hpãnhã mễhō kot mẽmoj nê mẽ hkurê hkêt xwỳnhjê kapêr pix mar o ri ixpa. Nà kot paj anê. Ja na inhmã hprãm. Nom kot paj axte Tirtūm kapêr mar kêt nê.

Anhỹr jao kapêr kaga nê hpãnhã htỳx ri nhãm mẽ ujarênh pix ma nê hkôt hamaxpêr. Koja mẽ ã amnhĩ nhĩpêx anhỹr o pa. Jakamã kwa kêr ka arĩ mẽ kãm Jesus kot tanhmã mẽ panê amnhĩ nhĩpêx to hã harênh rãhã ho ri mẽ hkôt apa Ximotre. Mễ kãm mar prãm kêt tă mãmri ri mẽ kãm harê. Nê nhỹri mễhō pumu nê kãm harê. Mễ kãm mar prãm xwỳnhjê mã harê nê mẽ kãm mar prãm kêt xwỳnhjaja ka mããnên mẽ kãm harê. Nhũm mễhō tanhmã amnhĩ tomnuj to ka hã omu nê tanhmã nê kãm akapêr to kê hkaga tokyx anê nê akupỹm tãm amnhĩ nhĩpêx. Rỳ nhũm mễhō tãm amnhĩ nhĩpêx o pa ka ja hã omu nê hã kãm akapêr nê kãm:

—Ăm hãmri na ka hte Tirtūm kôt amnhĩ nhĩpêx mex nê. Anê.

Hãmri nê anojarêk kêt kãm mẽ kãm Tirtūm kapêr o mẽ ahkre rãhã ho ri apa. 5Nê tãm ri amnhĩ nhĩpêx rãhã nê. Mễ kot Jesus ã tanhmã anhĩpêx to htã kêr ka ỹ hã amnhĩ to htỳx nê arĩ mẽ kãm kapêr jarênh o ri mẽ hkôt apa. Jao Tirtūm mã amnhĩ nhĩpêx mex rãhã nê. Kêr ka ã mẽ hkôt amnhĩ nhĩpêx anhỹr o ri apa Ximotre.

Pawre kot ra htyk kaxyw ã amnhĩ jarênh

Atre 20.17-35

6Nê mẽ kot ixpĩr xà hã arĩgroja ra hwỳr ahtêp o mỗ. Kot paj pêr tokyx ty. Amnepêm na prem Tirtūm mã mẽmoj nhõr kaxyw nê mẽ hkôm xà kamã mẽmo kagôja py nê mẽ kot Tirtūm mã mẽmoj nhõr xà hã mễstija ã hkapĩr pa nhũm hapêx. Tã te ixpê mẽ hkôm xà kamã mẽmo kagô

pikapĩrta pyræk. Kot paj tokyx ty nẽ jar ijamãx. 7Na pa ra Pahihti Jejus mã amnhĩ nhĩpẽx mex o ri ixpa. Mẽ kot tanhmã hã ixtomnuj to htã pa hkaga hkõt nẽ arĩ hkõt amnhĩ nhĩpẽx mex rãhã ra ixtyk kaxyw. 8Ixe Pahihti kãm hprãm xà hkõt amnhĩ nhĩpẽx mex o ri ixpa jakamã koja amnhĩ tã tanhmã ixto mex to. Nom papxipix ixto mex kêt nẽ. Na hte ãm hãmri tãm mẽ pahpiitã mẽ panhĩpẽx. Jakamã nhỹrmã kot mẽ piitã tanhmã mẽ harẽnh to xà hã arĩgrota ã koja mẽ pahkĩnh pẽ mẽ pahte amnhĩ wỳr kamã pajamak o papa xwỳnh piitã mẽ pamã mã mẽmoj mex gõ.

Pawre kot amnhĩ wỳr Ximotre hwỳr

9Kwa na pa ra ato ijamak tỳx nẽ Ximotre. Kwa kêt ka amnhĩm anojarêt nẽ tokyx tanhmã amnhĩ to hpa nẽ man ixwỳr mõ.

10Na pre ra Kresẽx ma Karatas wỳr mõ nhũm Xitre ma pika pẽ Tawmas wỳr mõ. Nhũm Tẽmti ra tanhmã hamaxpẽr to nẽ àpẽnh gryk ã ixkaga nẽ ma akupỹm Tesarõn wỳr mõ. 11Ãm Rukre pix na arĩ ixkõt pa jakamã kêt ka anojarêt hãmri nẽ ahte amõr kêt nẽ. Makre mã anẽ kê man akõt ixwỳr mõ nẽ tanhmã ixto ajuta hto ho pa.

12Nẽ Xikitre na pa pre ra Epes wỳr kumẽ.

13Nẽ Torõt kãm Kapti nhõrkwỹ kamã ixte kry pẽ inhõ kamĩs pa hkà ryti rer jakamã kêt ka anojarêt nẽ inhmã apy nẽ man inhmã o mõ. Nẽ inhõ kagàta ka mããnẽn inhmã amỳ nẽ o mõ. Nẽ mẽmo mry kà hã ixte mẽmoj tã kagàta ka mããnẽn apy nẽ mãn inhmã o mõ. E kêt ka anojarêt nẽ ixkukrẽxja jamỳ nẽ ixwỳr ho mõ.



Sikũn Ximotre 4.13

Tanhmã Aresãnti kot Pawre nhĩpẽx to hã harẽnh

14-15Nẽ na pre kàx o mẽmoj nhĩpẽx xwỳnh Aresãntija ixtomnuj nẽ. Pa pre mẽ kãm Tĩrtũm kapẽr o mẽ ahkre ho ri mẽ hkõt ixpa nhũm tee ri inhma nẽ kãm mar prãm kêt nẽ. Hãmri nẽ ixkutã amnhĩ xãm nẽ inhĩpẽx kati nẽ. Nom koja Pahihti Jejus ixtã tanhmã ho. Kwa kêt ka amnhĩ nẽ omunh mex nẽ Ximotre.

Pahihti Jejus kot Pawre mã hamaxpẽr o hihtỳx ã harẽnh

16Nẽ pahi kot mẽ mar xà hã ixkre kamã wam ixte mẽ kãm amnhĩ jarẽnhhta ã na pre mẽhõ ixyr pẽ mẽ kãm tanhmã ijarẽnh to hkõt nẽ. Na

prem piitã mẽ umaj ixkaga hpa. Nom kwãr mẽ mãmrĩ ã amnhĩ nhĩpêx anê. Tĩrtũm kot ixtã tanhmã mẽ hoja na inhmã hprãm kêt. 17 ãm Pahihti Jejusja pix na pre mẽ kurom ixkaga hkêt nê. Na pre ixto ixihtỳx nê pa ỹ hã mẽ kãm tanhmã mẽ panê kot amnhĩ nhĩpêx to hã harênh pa. Nhũm Ijaew kêt xwỳnh kot inhmar o hkrĩ xwỳnhjaja ixujarênh mar o hkrĩ nhũm Tĩrtũm inhnê tanhmã mẽ ho nhũm mẽ xpir kêt nê. 18 Koja Pahihti mẽ kutã ixto ixihtỳx rãhã nê mẽmo arĩgro hã amnhĩ wỳr ixto api. Pa Tĩrtũm mẽ wa kuri inhmex kumrêx nê ixtĩr tũm nê ixpa ho ixpa. Pahihti mex o mex jakamã kêt pu mẽ kãm mex o mex ã harênh rãhã ho papa nê aa jam panhũrer kêt nê.

Pawre kot tanhmã hkrãmnhwỳjê jarênh to

19 Nê kêt ka Prisire mẽ mjên Akir wa kãm ijarê. Nê Oněspti hprõ nê hkrajaja ka mããnên mẽ kãm ijarê. 20 No Eras kormã Korĩt kãm pa. Nê Toropty na pre à nê pa Mĩrêt kãm kure nhũm ixkôt mõi kêt nê.

21 Kwa kêt ka amnhĩm anojarêt nê amgrà pê man tokyx ixwỳr mõi Ximotre.

Nê ota Epti mẽ Prutěhti mẽ Rĩnre mẽ Krawreja awỳr hpêr mẽ. Nê jar Kris kôt pahkwỳjê piitã awỳr hpêr mẽ.

22 E kê Pahihti Jejus ato mex rãhã nê mẽ apiitã mẽ akutã nojarêt rãhã ho pa.

Tã ãm ja pix. Ixpê Pawre na pa awỳr kagàja nhĩpêx nê kumê.